



Broj: 015-180/7-UO-52/25
Brčko, 19.06.2025. godine

Upravni odbor Fonda zdravstvenog osiguranja Brčko distrikta BiH, na osnovu člana 16 stav (1) tačka s) Odluke o osnivanju Fonda zdravstvenog osiguranja Brčko distrikta BiH („Službeni glasnik Brčko distrikta BiH“ brojevi: 1/07, 8/07, 7/11, 45/14, 20/16, 7/18, 11/20 6/21 i 3/23), te u skladu sa Odlukom o usvajanju programa utroška sredstava tekućeg transfera za javne fondove Fonda zdravstvenog osiguranja Brčko distrikta BiH za program finansiranja skrininga osiguranih lica-trudnica na trombofiliju i liječenje trombofilije niskomolekularnim heparinom, broj predmeta: 13-000617/25, broj akta: 01.11-1186NK-008/25 od 26.03.2025. godine i sa Finansijskim planom Fonda zdravstvenog osiguranja Brčko distrikta BiH za 2025. godinu, na 11. redovnoj sjednici, održanoj dana 19.06.2025. godine, donosi

ODLUKU

O UTVRĐIVANJU PROGRAMA FINANSIRANJA SKRININGA OSIGURANIH LICA- TRUDNICA NA TROMBOFILIJU I LIJEČENJA TROMBOFILIJE NISKOMOLEKULARNIM HEPARINOM

Član 1 **(Opšte odredbe)**

Ovom odlukom utvrđuje se program finansiranja skrininga na trombofiliju i liječenje trombofilije niskomolekularnim heparinom osiguranih lica Fonda zdravstvenog osiguranja Brčko distrikta BiH (u daljem tekstu: Fond) - trudnica, medicinski i nemedicinski kriterijumi, način ostvarivanja prava, finansiranje, izvori sredstava i druga pitanja od značaja za provođenje ove odluke.

Član 2 **(Kriterijumi)**

- (1) Nemedicinski kriterijum koji je neophodan za ostvarivanje prava iz člana 1 ove odluke je da podnosilac zahtjeva ima status osiguranog lica Fonda.
- (2) Medicinski kriterijum neophodan za ostvarivanje prava na finansiranje skrininga na trombofiliju je da kod osiguranog lica – trudnice potvrđena trudnoća od strane nadležnog doktora specijaliste ginekologije iz ugovorne zdravstvene ustanove.
- (3) Medicinski kriterijum neophodan za ostvarivanje prava na finansiranje liječenja trombofilije niskomolekularnim heparinom je da je osiguranom licu – trudnici na osnovu rezultata testiranja i nalaza nadležnog doktora specijaliste ginekologije i hematologije iz ugovorne zdravstvene ustanove, preporučena antikoagulantna terapija u tretmanu i prevenciji tromboemboličkih događaja za vrijeme trudnoće.
- (4) Medicinska dokumentacija potrebna za dokazivanje ispunjenosti kriterijuma iz stava (2) i (3) ovog člana:
 - a) nalaz nadležnog doktora specijaliste ginekologije o potvrdi trudnoće i nalaz nadležnog doktora specijaliste hematologa o potrebi liječenja, odnosno uvođenju terapije nakon urađenog skrininga testa na trombofiliju;

b) za ispunjenost kriterijuma iz stava (3) ovog člana, pored dokumentacije iz tačke a), potrebno je dostaviti i recept propisan od strane nadležnog doktora, kojim se utvrđuje doza i količina niskomolekularnog heparina.

Član 3

(Način ostvarivanja prava)

(1) Način ostvarivanja prava iz člana 1 ove odluke uređen je opštim aktima Fonda, kojima se osigurana lica Fonda upućuju na obavljanje zdravstvenih usluga i opštim aktima Fonda na osnovu kojih osigurana lica Fonda ostvaruju pravo na nabavku niskomolekularnog heparina.

(2) U slučaju da osigurano lice – trudnica, vlastitim sredstvima plati troškove zdravstvenih usluga ili lijekova utvrđenih ovom Odlukom, može Fondu podnijeti zahtjev i ostvariti pravo za refundaciju sredstava na način utvrđenim stavom (1) ovog člana i opštim aktima Fonda.

Član 4

(Sredstva)

Sredstva za finansiranje skrininga osiguranih lica-trudnica na trombofiliju i liječenje trombofilije niskomolekularnim heparinom za potrebe osiguranih lica iz ove odluke obezbjeđuju se iz budžeta Brčko distrikta BiH u iznosu od 250.000,00 KM.

Član 5

(Stupanje na snagu i primjena)

Ova odluka stupa na snagu danom donošenja i primjenjuje se za 2025. godinu.

Dostaviti:

- 1 . Direktor
- 2 . Zamjenicima direktora (2x)
- 3 . Šefovima Službi (3x)
- 4 . Stručnom savjetniku direktora
- 5 . Internom kontroloru
- 6 . Internet stranica Fonda
- 7 . Odjeljenju za zdravstvo i ostale usluge
8. JZU “Zdravstveni centar Brčko”
9. Evidenciji
10. Arhivi

PREDSJEDNIK UPRAVNOG ODBORA

Ilija Anić, dipl. ekonomist, s.r.